

OPĆINA VOGOŠĆA

Općinsko vijeće

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćen tekst i 14/15) i člana 11. stav 1. Odluke o priznanjima Općine Vogošća ("Službene novine Kantona Sarajevo", broj 9/14), Općinsko vijeće Vogošća, na sjednici održanoj 31.05.2018. godine, donijelo je

ODLUKU

O DODJELI PRIZNANJA OPĆINE VOGOŠĆA
ZA 2018. GODINU

Član 1.

Ovom Odlukom Općinsko vijeće Vogošća dodjeljuje priznanja Općine Vogošća u povodu 24. juna Dana Općine Vogošća u skladu sa kriterijima i mjerilima za dodjelu općinskih priznanja.

Član 2.

Općinska priznanja u 2018. godini dodjeljuju se:

1. "Zlatni grb sa plaketom Općine Vogošća" dodjeljuje se:
 1. Boričić-Jagar Zdenka - posthumno
 2. Kahriman Ibro - posthumno
2. "Plaketa Humanista godine Općine Vogošća" dodjeljuje se:
 1. Kurtalić Selim - posthumno
3. "Zahvalnica Općine Vogošća" dodjeljuje se:
 1. Malagić Anida
 2. Gimnastički klub "Hana"
 3. Lakota Selmo
 4. Hasović Musid
 5. Šejto Zaim
 6. Raščić Nesiba
 7. Građevinski odbor za rekonstrukciju džamije u Semizovcu
 8. Hadrović Ramiz
 9. Trbojević Rade
 10. Dervišević Mirza
 11. Građevinski odbor za izgradnju džamije u ulici Ahmeda Rizve
 12. Mr.sci Almira Zulić Burek

Član 3.

Općinska priznanja iz člana 2. ove Odluke uručuju se na svečanoj sjednici Općinskog vijeća povodom obilježavanja Dana Općine Vogošća.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-640/18
31. maja 2018. godine
Vogošća

Predsjedavajući
Općinskog vijeća Vogošća
Tarik Curić, s. r.

Na osnovu člana 25. stav (10), člana 39. stav (2) i stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 71. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15), Općinsko vijeće Općine Vogošća, na sjednici održanoj dana 31.05.2018. godine, donijelo je

ODLUKU

O USVAJANJU IZMJENA I DOPUNA
URBANISTIČKOG PROJEKTA "SOLARIS"
za lokalitet poslovni objekat u ulici Vogošćanskih
odreda broj 88

Član 1.

(Vrsta Plana)

Utvrđuje se Izmjena i dopuna Urbanističkog projekta "Solaris", lokalitet poslovni objekat u ulici Vogošćanskih odreda br. 88, po skraćenom postupku (u daljem tekstu: Plan).

Član 2.

(Sadržaj Plana)

Plan se sastoji iz tekstualnog i grafičkog dijela.

Tekstualni dio sadrži:

- Odluka o provođenju Izmjena i dopuna Urbanističkog projekta "Solaris", lokalitet poslovni objekat u ulici Vogošćanskih odreda br. 88. (Skraćeni postupak),
- Tekstualni dio Plana.

Grafički dio sadrži:

- Urbanizam prezentiran na odgovarajućem broju tematskih karata,
- Prateće Faze Plana prezentirane na odgovarajućem broju tematskih karata.

Član 3.

(Javni uvid)

Po jedan primjerak ovjerenog Plana nalazi se na stalnom javnom uvidu i čuva se u Općini Vogošća i Zavodu za planiranje razvoja Kantona Sarajevo.

Član 4.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-524-1/18
31. maja 2018. godine
Vogošća

Predsjedavajući
Općinskog vijeća Vogošća
Tarik Curić, s. r.

Na osnovu člana 25. stav (10), člana 39. stav (2) i stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 71. stav 1. tačka 2. Statuta Općine Vogošća ("Službene novine Kantona Sarajevo" broj 27/14 - Prečišćeni tekst i 14/15), Općinsko vijeće Općine Vogošća, na sjednici održanoj dana 31.05.2018. godine, donijelo je

ODLUKU

O PROVOĐENJU IZMJENA I DOPUNA
URBANISTIČKOG PROJEKTA "SOLARIS"
za lokalitet poslovni objekat u ulici Vogošćanskih
odreda broj 88

Član 1.

(Vrsta Plana)

Ovom Odlukom se propisuje način provođenja izmjena i dopuna Urbanističkog projekta "Solaris" za lokalitet poslovnog objekta u ulici Vogošćanskih odreda broj 88, po skraćenom postupku (u daljem tekstu: Plan).

Član 2.
(Koncept i obuhvat Plana)

Ovim Planom utvrđeni su planski preduvjeti za planiranje poslovnog objekta spratnosti S+P+1 uz postojeći objekat kolektivnog stanovanja, na zemljištu označenom kao k.č. br. 1251/6 i dio k.č. br. 1251/3 k.o. Vogošća, a prema sljedećim urbanističko-tehničkim uslovima:

- Namjena objekata: poslovni,
- Regulaciona linija građevinske parcele i građevinska linija objekta su naznačene u grafičkom prilogu i analitičkoj obradi parcela,
- Spratnost objekata: S+P+1,
- Prilaz na parcelu je iz ulice Vogošćanskih odreda,
- Saobraćaj u mirovanju treba planirati u okviru predmetne parcele, izgradnjom garaže/parking prostora za potreban broj parking mjesta (1 gm/pm na 80 m² BGP objekta),
- Arhitektonsko oblikovanje i primjena građevinskih materijala prema idejnom projektu urađenom od strane "ILKTRADE" d.o.o. Sarajevo broj 209/17 od maja 2017. godine,
- Priključke na saobraćajnice i mrežu komunalne infrastrukture treba uskladiti sa Planom i važećim tehničkim normativima.

Član 3.
(Sadržaj Plana)

Plan se sastoji iz tekstualnog dijela i grafičkih priloga. Tekstualni dio i grafički prilozi Plana su sastavni dio Izmjena i dopuna Urbanističkog projekta "Solaris" ("Službene novine

Grada Sarajeva", br. 5/88 i 16/90 i "Službene novine Kantona Sarajevo", broj 24/11).

Član 4.
(Odnos Plana prema Urbanističkom projektu)

Izmjene i dopune Urbanističkog projekta "Solaris" za lokalitet poslovni objekat u ulici Vogošćanskih odreda br. 88, ne utiču na promjenu rješenja komunalne infrastrukture (Idejno rješenje snabdijevanja vodom i odvodnja otpadnih i oborinskih voda, Idejno rješenje toplifikacije i gasifikacije, idejno rješenje elektroenergetike i javne rasvjete, Idejno rješenje tk mreže) koji su sastavni dio Izmjene i dopune Urbanističkog projekta "Solaris" ("Službene novine Grada Sarajeva", br. 5/88 i 16/90 i "Službene novine Kantona Sarajevo", br. 24/11), te nije vršena izmjena i dopuna navedenih faza.

Član 5.
(Javni uvid)

Po jedan primjerak ovjerenog Plana, nalazi se na stalnom javnom uvidu i čuva se u Općini Vogošća i Zavodu za planiranje razvoja Kantona Sarajevo.

Član 6.
(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-524-2/18
31. maja 2018. godine
Vogošća

Predsjedavajući
Općinskog vijeća Vogošća
Tarik Curić, s. r.

